

文282462

182

=4



寒村寶善堂集卷上

海昌查慎行夏重

刪閱

甬上范光陽筆山

余日思歸因循未決而黃編修硯芝以省母之

故忽然南旋矣來索贈別之句情不能已

刻刻思親意只余怪君先我賦歸歟兩人嘗憶片言

合七載誰能一日如

余與編修定交七載矣

粉署慚懷箝尾牘

錦衣爭羨探花車仙凡自是生殊骨折柳春深念倚

間



無分追隨在玉堂那堪南北又參商君重入直來天
闕我定陳情返故鄉此別何時當會合兩心應各帶
淒涼可能視草黃扉日不怠田間白首郎

四月十六日獨坐戶部湖廣司一驢相對鳴聲
聒耳感歎久之率成二絕

忽然長嘯亦空悲韁鎖閒庭總末之棧底能餘多豆
草一生辛苦受人騎

亦思學問追公治其奈聰明愧葛盧與汝居游寧未
慣爲誰答應爲誰呼

寓中有村婆跨牛圖石田翁筆也懸之壁間瞻
玩之餘詩思忽動慨然題其上焉

草青水碧足生涯力大人間孰等夷只誤一繩穿着
鼻村婆都上脊梁騎

莫羞爲婦老田家一領簑衣犢背斜歸路晚風橫短
笛不知京國有塵沙

性愛種花北土風埃寓庭窄狹殊不可得偶見
街頭擔上有賣草花者紅黃紫白雜然燦爛
出錢易之植諸盆盎栽培澆灌頗慰寂寥因

寓意焉

六月七日

不是童心老未忘還憐野草覓閑芳
公餘長日無人問一玩青紅雜紫黃

野花儘自出塵埃只惜移從別處來
幸未飄零天又雨嫣然嬌怯似初開

買花底買石榴多綠葉紅房不捨他
更冀秋風能結子時開笑口臉微醺

蘆蓆遮陽水滌塵幾朝鮮艷幾辛勤
何如安坐鄉園裏百草芳華萬樹春

雨收風作秋意新涼觸目興懷慨然有述二首

夏雨還泥濘秋風已怒號草花根沍爛
盆樹葉蕭騷曹冷人情淡囊虛僕氣高
留難歸未得如鳥失栖巢大農原國計
全楚亦軍儲主事權何在名官吏不如
空衙晨押簿枵腹午還廬不管人蚤語
悲涼到索居

中秋月朗適接家書此快事也終宵爲之不寐

毋乃非人情乎瓜之甘苦嘗者自知苟非啞

子能不一道

二首

日望家書慰書來慰未曾欲開千慮急
已讀百愁凝

親壽堪窮劇兒單奈事增團團秋半月故向旅人升
斗室牕皆紙空牀徹夜明夢歸家不得老戀國何成
身已無心在天寧放客生蟲啾人靜後獨起繞階行
種菊數枝九日盡放寒風刮後黃色塵蒙相對
悽然卽事有作

只緣身尚屬雙親不免胸常挂一貧留豈敢言原許
國歸堪無計可爲人長歌旅邸當呼痛近婦衰年算
飲醇佳節幾枝黃菊報寒庭風後也蒙塵

錢穉廉書來寄示新詩二絕一苦蝨云離家風
雪正紛拏又聽街頭賣杏花貧賤軀無天子
氣一身蟲盡似琵琶一聽鄰叟經聲云念佛
聲聲早暮哀比鄰有客念同灰蓮池果是無
愁域我亦明朝入社來時蓋旅食武林也念
迂拙之人居閒冷之職誰復有過而問焉者
而穉廉在數千里外不忌其舊屢書相及能
無報乎率成四絕乘便復之

曹閒宦拙孰憐他就是比鄰少見過不道三千餘里
外屢勤尺素惠詩歌

似因窮苦怨山林朝市誰知苦更深乞米無門歸不
得親闈缺養到如今

蝨子禪中得自捫經聲壁外好閒論先生莫道淒涼
甚客子看來無上尊

人間原但有窮交知己多從熱裏拋世外慙懃吾與
汝何時得共買山巢

十月朔日微雪初晴接駕而歸道中書見兼述

所懷

今年陡冷是今晨春小何曾得似春微雪經宵斑白

路初陽躍宇淡黃人天家薦食香生輦

是日駕祭太廟

風俗

燒衣火照鄰

每家燒衣祀先謂之燒寒衣

我亦居然人子隊冬溫

底忘八旬親

寒樂

人生何所是升沉底苦勞勞上此心但了簿書仍靜
坐不消供奉好閒吟畏寒爐火童深種怯醉瓶醪婢
淺斟尤喜新知兼故識炎趨熱附不來尋

十月十三日大雪中移居棉花八條衚衕卽事

二律

貧忤居停失所依囊書襪被此間歸地偏車馬聲今
少官冷親朋跡故稀繞屋深泥須淨掃平堦積雪未
停飛垂簾熾火兢兢坐日暮天寒酒力微
萍漂蓬轉忽棉花地較從前勢覺洼也曉移來仍是
寓卻思到處卽爲家青灰堊室居然密白紙糊堂亦
甚華頗美當時東野具載還須借別人車

惜陰

荒疎從未似今長一載還踰十月強早起有程唯冷
署夜眠無夢不高堂宦勞苦憶窮村樂妾穉深思老
婦良日待三餘過又半此生燈燭黯無光

臘月十三日大雪入奏用范筆山年兄韻紀事
無復文章須珥筆只緣錢穀也朝天沉吟奏牘忽然
曉細數更聲總未眠瘦骨獨離貂貉遠冰心似與雪
風便同班無不重
裘唯余獨無生平那有青蓮子却是呼來不上

船

順治丁亥戊子之間建寧失守郡人贈司寇鄭
公振華偕其配徐太淑人殉節甚烈梁座師
山公先生爲其冢嗣每念及輒嗚咽蓋數十

年如一日也既於庚午之秋介梁求南雷師
作傳以丐詩於一時之名卿材大夫而今并
屬筆於梁焉詩曰

人生必有死一死亦孔難畏死良足恥輕生尤可歎
幸已得其所此心只自殫雖至骨肉親性命肯同攬
維公視生死晝夜而暑寒能令閨房內亦作如是觀
當閩初定時山寇羣探丸因人懷故國假名肆賊殘
昧者視神器一姓私物看不知天作君但求民所歡
否則殷餘黎周何目爲頑公於大義明邪正別鹹酸

卓然歸真主砥柱立狂瀾所以父母身不忍受賊剜
臨危先自焚倡隨臭如蘭亭亭雙玉潔塵泥不能干
宜生吾夫子學行美琅玕起爲興朝輔敷歷中外官
所至奏殊績明刑冠朝端馳封光潛德念及猶廢餐
傳家真一脉忠孝爲膽肝梁忝門下士文學媿歐韓
顧謂南雷後子當一揮翰逡巡未敢任頌語滿長安
夫獨無秉彜能辭穎筆乾污不阿所好庶爲孝思寬
亦使貪生徒聞之毛髮攢嗚呼千載後豈無索垢癩
人生皆有死公死獨不刊

雲間張翁天開八旬爲其孫長史庶常賦祝
吾父今年年八十先期求言一侑觴雲間張君兩世
交至今不答似已忘原來君祖亦八十壽辰相去十
日強臨時來索余言切使者僕僕如追賊始知君詩
不作特矜慎其心未嘗棄我等糝糠我聞人生七十
古來稀更加十載豈尋常見子成名未可必况有聞
孫登玉堂此樂誰復不能頌奚待余言爲張皇顧我
於此實有感能復辭以簿書忙吾父生無伯叔氏僅
有二子一早亾癸癸弱孫侍左右朝夕安得甘旨嘗

吾思歸養非一日債家牽制徒傍徨日遣蒼頭賫勅
去囊空無物堪寄將老入部曹世所輕并無人屑寵
詞章父耄子艾不得聚強顏人前黯自傷豈如君家
森蘭玉庭階之際濟且踰華亭勝地產可交清河望
族本子房神仙自是分內事八十年猶未爲長卽今
壽筵集親舊羅列珍錯酌天漿有子舞綵杯盤側有
孫珥筆日月傍長安貴人詩滿壁龍書鳳誥從天翔
乾坤大矣吾不知但就吾家相較量天倫之樂實非
人世有蓬壺閬苑翻覺事渺茫呵凍疾書忽滿幅寧

復自顧語疎狂君如不鄙其言俚有句莫更囊中藏
吾求君言亦求紀其實豈與俗人一例求掄揚

寒村寶善堂集卷下

栖水呂 澄山瀏刪定

壬申元日記事

壬申元日日有食修省策惟罷朝賀小臣雖小亦名
臣情理不應反高臥三鼓出門四進城五鼓初敲入
朝坐吏部鴻臚都察院每處職名投一個黎明走向
祠祭司隨班救護敢偷惰俄傳聖意怒羣工宰相春
官皆督過催促小臣再造朝重飭班行嚴巡邏大風
吹人人仆地彌天唯有塵堀堞良久始漏慘淡光諦

視輪廓已碎破衝風突塵禮官衙擊鼓鳴鉦萬衆和
斯時宇宙欲晦冥屈膝稽首真無奈辰牌已牌復午
牌强者跛倚况弱悞上天仁愛日重光相看面目盡
土沈猶恐聖怒不易回復命午門如報課旃檀寺裏
駕歸遲拱立待旨敢少蹉日黑風涼性命微出城抵
寓長庚大踉蹌如此災得弭小臣自甘終日餓

肩輿口占

嘍嘍肩輿西復東公私無着底忽忽三年兩鬢寧留
黑一旦雙睛也豁矇土地廟街楊柳日瑠璃廠路瑞

香風往來空自人如海偏覺春光到此翁

脫裘

一春花鳥未經由忽忽羸軀已脫裘世事說從何處
起人生夢待幾時休牕盈紅日明花眼刀刮清風快
雪頭且喜有官無職盡不妨內顧日千愁

作五柳圖自題

宅傍五柳樹依然不見歸來有隻船豈亦債家牽累
住老腰還折上官前

如此湖天亦甚佳底無人肯一浮家夕陽衰柳淒清

味翰與歸飛兩兩鴉

書湖廣司壁

到此天旋十二宮

余自在主事至今十二月

晨來晡去竟何功一

官矧又名員外凡事安能匠意中舊例勤勞題押滿

新條職業忍腸空

舊例漢司不說滿堂事畢則押簿而散今則陪滿司同說非日長不

得歸而公費又裁

難嘲屋角枯槐樹雨露三春負化

工

名是湖湘會計臣一絲曾未獲經綸也知惟善堪為

寶誰准餘波好及人唯諾見材終瑟縮和同免戾竟

因循卻慚朝夕仍難給持祿何嘗得為貧

原無

原無一定此寥寥莫得新聞遡歷朝千古名揚途另

關一時轉散足都翹庚辛真可分堂策三四惟須易

暮朝只恐後來人尚夥不無隻眼在傍瞧

題大西洋畫

知緣推算絕時人遠近分來尺寸真若語名家歸大

雅還須意勝始傳神

壽顏年伯母朱太宜人

當時抗難唯知死七袞寧期又六年不爲繁華貞苦
節卻緣霜雪釀春天羽儀朝宁誰三鳳蘭茁階庭已
半仙愧我簿書清思窘應須百歲續長篇

爲同年李質君侍御作山水小冊漫題

甘苦童時亦細嘗年來筆墨任荒唐自慚樸拙無風
韻敢詡粗疎得老蒼

一筆揮來不更描此間意思自蕭蕭試看造物生生
處那有人工去琢雕

多画爭如少画難疎疎幾筆足荒寒偶因俗眼都求
益添寫雙舟落遠灘
每恨雲林嬾畫山致令贗作滿人間平生曾見倪真
筆肯把層巒一概刪

瀛臺奏事偶成八絕句

五月初二日

西清初入此朝天轉眼光陰四五年慙媿君恩輕負
却隨班來算穀和錢

百頃風潭白有光千章夏木翠生香人間天上真疑
別五月披氈不禁涼

坐來疑泛鏡湖船柳下蘆邊更窅然潑刺一聲魚跳

處回頭但見水紋圓
板橋石步沒多寬幾葉漁舟亂泊灘不是千官門外
集教人誤作水村看
似將富貴氣都刪却是天家不等閑水外黃亭臨綠
野樹頭白塔映青山
森森庭樹靜無風四面禽聲出葦叢奏久不聞車馬
鬧已忘身在部曹中
禁城原自有仙宮銷夏如何暫息躬恐是寒酸眼孔
窄不禁遙想暢春中

半日能消數載塵只緣本是水雲身江村得侍高堂
去日日瀛臺奏事人

端陽前一日作

鹿鹿微官夜氣渾得閒因病識乾坤貧家尤喜無來
往節近端陽日閉門

過午炊烟未見生蘭香時熟一爐清垂簾隔斷蒼蠅
跡画幅詩箋取次成

時爲同年賽青
厓画一小冊

端午後一日僕自南來得家書志喜

每接家書悶不支誰知亦有展眉時親衰寄得看花

句兒窘函多報樹詩

家大人以詩代書末聯云忽忽僕去難覩縷但道高堂日看花

又庚午奇寒家園花多凍死余寄書問狀兒子作詩來報其首絕云爲憶老親縈遠念郵筒仔細報京衙

燕市塵埃如忽掃寒門風味儘堪思擬將原韻章章和傳與詞家算一奇

獨坐遣懷

平生事事不如人邀幸偏能出等倫赤手居然躋五品白頭猶自怙雙親
牕紗薄泄爐烟郁簾竹疎窺院草新敢怨此中無活計阿誰身未惹京塵

過所親卽事

蕭蕭巷屋誰來問僕僕肩輿屢出遊久廢書何疑可析頻懸磬故急相投啜殘杯茗無言別看徧庭花一笑休乞食叩門從古拙不應此世不知羞

爲人作江天小景漫題

吾生無所長或有不在畫不知世何見偏此羣嘖嘖遂令劇冷官亦有叩門客念余入仕晚人棄等瓦擲乃徒以小技時時受促迫此恥亦奚堪誓將絕筆迹但生天地間當使萬物適彼求吾所能胡俾願不獲所愧心手眼衰貧嬾成癖摹古畏拘孳肖形苦跼躅

惟憑方寸胸浩然作水石未免致画工較量嚴寸尺
綴詩一解嘲渺渺江天碧

寫家書有作

衰豈能重壯窮安必得通一兒不使覺二老或無恫
遷秩三秋後歸栖四載中平生羞誑語底忽染時風
微官苦被積逋牽度日長安不啻年枵腹有程仍早
出空囊無計只高眠示兒徒損雙親樂將伯難邀一
僕憐自是吾生應此極狂歌索性不呼天

微官

雨坐感時

退食朝朝坐雨頻閑看世事逐時新救荒漫道無奇
策取士唯須似積薪朝議日評官爵價仕途爭作儉
牙人慙余迂拙終難破也歎饑窮沒此身

自題所作畫

矮矮連山瘦瘦枝老來底事賣嬌姿只因紙薄難容
筆似拜倪迂作畫師

病夜見月不寐寓中寂若無人

矮屋淫霖似谷幽清光一夏不當頭豈期病劇眠無

寐得見雲消月獨留
紙白窗櫺虛室晝
紗明帷幙小
牀秋天涯骨肉如相聚
寧止寒蟲繞壁啾

誰道

誰道京師作宦豪
如吾曾不見分毫
秋來窗格仍疎
紙夜到燈檠久廢膏
雨點稀時蟲語亮
更聲去後犬
眠高悠然覺與塵寰迥
着想何須定濮濠

積雨

積雨低簷黯不明
公餘閉戶十分清
兩三婢僕常高
臥一二親知久斷行
老眼重臨蠅樣字
空腸時作蚓

般聲伴人賸有爐香直
窗隙風吹忽縱橫

秋夜不寐六十韻

老夢嘗苦短今夏殊不然
謂是憊已極日益不如先
豈憶秋來病連夜復空眠
簷雨滴心碎壁蟲聒耳穿
今宵天忽霽月魄空中懸
京師室盡紙窗櫺隙南偏
光來四壁映瞭然白晝天
衰年來日少得此亦稍延
不寐儘自佳差勝惡夢纏
但念父母恩又感妻兒賢
劇貧忍啼號垂老缺甘鮮
留此不得歸百憂心上煎
若云忠與孝勢固不兩全
當今天子聖豐沛才翩翩

凡事何必古始足理垓埏區區孔孟學知難効埃涓
世無用我法我無用世權徒負竊祿名乃被債家牽
爲道不得矣爲貧奚益焉因思作歸計除非天雨錢
一夜疾風雷聲若山崩騫凌晨啓戶出堆路等瓦磚
吾生素知分萬只取其千宿負旣得償上書求南還
朝允夕買舟歸置二頃田廬蔽風雨外樊圃結數椽
前臨水篆流後望紫蟾巔其外植花果於中積簡編
奉吾二老居子婦相延緣晨夕供菽水歲時開樽筵
無論親意歡不歡吾在前無窮疑與慮渙若風吹烟

平生報國心留以待餘年此事世所無則與九重憐
吾皇仁慈主帑發租屢蠲清宮忽一夢夢有臣顛連
不獲雖一夫德意忍弗宣賜以知章湖許以志和船
其歸更光寵勝一日九遷否則逢義俠揮金若流泉
救此涸轍鮒縱之返深淵吾計亦得遂不羨班生仙
三者不獲一勢作抱樹蟬計出不得已莫如行遜便
背人棄官去暗箭離強茲踉蹌抵故里叩門聳其肩
跪云子職虧悔初不學佃業已至此極萬死難贖愆
猶幸父母子白首得團圓此後窮與通願且聽重元

諒親五十載苦節指坤乾豈必相督責汝空懷槩鉛
但既生有子名又厠班聯奈何八袞親仍嚙雪與氈
萬一徒手歸荒厨絕粥餽不才罪合餓老幼枉株連
念此不能決輾轉如磨旋鄰雞忽一聲窗月色已蕪
褰帷起自笑此夢胡纏綿昨宵睡未睡恍忽難言傳

中秋四律

常恨中秋月難逢累夜明北方無積雨今歲更新晴
風靜長空碧天高列宿清百千心磊塊不覺望中平
但有團團月何妨矮矮簷照牕晴映雪透隙鏡開奩

鄰女瓜供兔街童餅噬蟾偏輸高臥客飽看到傷廉
此際江村裏東林海月黃園蟹催夜織庭桂送秋香
浦冷螯初壯田污芋可嘗不知兒窘極能否奉高堂
不識南樓興何辜此夜良妾非藏酒婦交半入貲郎
得句呼誰讀思家黯自傷唯應深閉戶獨坐對清光
節後小飲卽事偶成

貧官那得有歡腸佳節忽忽過似忘菓餌賺來詩律

細

余以葡萄月餅貽趙文饒文饒答之以詩

圖書換得酒瓶香

余嘗爲陳宿峯書畫

宿峯遺余泉酒

齒牙久動愁雞白

雞胸前肉日雞白

脾胃新衰怯鱗

黃差喜故園秋信到兩親一飯尚稱強

九日二首

秋老天還燠風輕日正黃追思吾半百少遇此重陽
早了官衙案歸拈家廟香瓶空無米借那復問萸觴
離家偏節好沒趣是官貧花擔遙看菊蝸居低汨塵
閑無賓友會醒得僕童嗔冷突糕安在能嘲不用人

絕糧戲作

屬對書堂儼致君老來財號躡青雲豈知兩載農曹

粟恰似三年翰苑文

俗舊有光祿茶湯武庫刀鎗教坊婆娘太醫藥方翰林文章之

諺蓋言有名無實也余謂今當益之以科道奏章戶部錢糧托鉢事頻羞再乞沿

門俸薄肯誰分自應日闕憑爐火沸得空鍋起浪紋

清寒家世故相沿未闕饗殮五十年亂裏榆皮曾作

餅

丙戌丁亥間事

荒餘荳屑也充饘

甲午乙未間事

錢糧等職兼時

泰夷惠間人豈性偏一飽無時誰汝信以吾自問亦
茫然

九月廿八日夜從友人小飲歸孫靜紫舍人以

請假歸里留別同人詩六首見投慨然志感

即用贈別

醉從鄰返得佳篇剪燭狂吟似證仙舉世輸錢爭買
爵先生解組欲歸田原來大地人常有畢竟名儒裔
孔賢靜紫爲鍾原先生之孫媿我思親仍戀闕摩挲老眼轉悽
然

紛紛羔雁盡稱詩未必騷壇准寄籬似此心胸無俗
相庶幾風格是吾師功垂竹帛原千古道在林泉此
一時行矣更無容惜別天涯曾不隔相思

十月初一日署壁新糊書吏求題

破壁重糊亦煥然官遷此地不曾遷

余任主事員外
俱在湖廣司

栖遲兩載成何事借得京師債一千

冷署蕭條絕可憐官胥滿漢總熙然支寒策但憑張
紙冰雪風沙又過年

十月四日出彰義門同劉陂千坐九隱菴半日

有作

郭外灰塵不少輕出來兩眼卻微明遠山隱隱疎林
澹古寺蕭蕭廢圃清茶果疑逢僧舊好詩文喜聽友
新評南歸路只須從此坐到黃昏又入城
初五日又出彰義門坐寧壽菴卽事

連日肩輿出郭忙消停又喜得禪房架藤未卸懸枝
秃圃菜初收棄葉黃西去輪蹄塵隔斷南開戶牖日
舒長敢嫌奔走終儕俗風景依稀見故鄉

十月九日獨坐蓮花菴施長六高霖公彭上虎

顏學山亦至同赴建安師席

冬雨初晴未劇寒偶來僧寺憩蒲團一窗紅日風枝
亂幾點蒼蠅紙格攢斜畫壁頭梅對語冷簪瓶裏菊
旁觀移時不省身何在便作蓮花院主看

自憐偷得好風光何幸朋來聚此堂藤葉經霜多變

紫草花過雨尚舒黃從容影度三磚日倏忽烟銷一
炷香同往師門應痛飲明朝又各爲官忙

雜感

上天聞說最心仁底事乾坤內有貧我亦自疑成棄
物世應相視作陳人已將宇宙看俱破豈涉親知意
反嗔萬事到橋船自直

俗語船到橋門自然直

吹燈且息旅中

身

此生亦莫只尤貧賺得長安說好人滿肚時宜原不
合一腔古道敢誰伸見聞懵懂羣心醉議論糊塗萬

物春賸有霜天相印月紙牕終夜白如銀
袞袞紅塵日蓋頭爐烟長裊墨長浮好官多讓能人
占韻事還輸拙者偷天道平原常似水人心虛自合
如舟縱難起得前賢語千載寥寥定有儔
親老兒貧身不南眼前耳底總難堪強年恨事空多
女衰後痴心尚異男曾被旁觀私竊笑敢忘內省恣
高談明牕短晷如長晝滿架圖書且自耽

悔詩二律

親在耕無力辛勤異一官晨昏空曠隔菽水愈艱難

不去非情理將歸乏羽翰當初荒舉業豈至此饑寒
貧老因何事猶貪燕玉溫弟亡無有嗣子壯未生孫
形影唯三世憂危在一門寧知儒澹泊難對女流論

仲冬七日喜添一丁四日而亡自歎二首

衰年得子忽云亡枯草重萌一夜霜旅邸更何生趣
味官衙偏值事匆忙追尋鬼窟茫無路趨諾人前黯
自傷尤悔此番歡喜過郵筒輕易報高堂

或說由天莫過傷豈知所恨正蒼蒼人生縱使原如
槿我德胡寧不及蝗

蝗一生九子

冷署荒涼加幾倍殘

年消遣更無方春來除得添孫信此恨綿綿或漸忘

同人小集呂山瀏獨以詩紀時有喪兒之戚越

半月始步來韻

來詩云數良史才君不媿世無悅者為誰容牘登錢粟詩

懷雋門閉風埃野意濃客集同年并同舍話消殘燭又殘冬談筵似此真良對彼各有徒

逐已慵

杯盤惶恐不成供又辱新詩底地容兩載閑曹人盡

冷一時清典子何濃聰明淨似冰和雪詞氣温如日

正冬爭奈情牽懷抱物硯塵筆凍和偏慵

呂詩未答卓次厚又和韻見投仍步前韻答之

來詩云才氣長來誰種種况君最好更春容非詩語亦都能妙如畫情先已濃例作曹看囊貯水不因官置酒過冬同年也許通家面肯見原時道我慵註云座客皆同年尊太翁先生與從祖亦已卯也

一篇未答一篇至迂拙何須病莫容交誼能從新憶

故詩情自向淡生濃不因簿牘嫌吾俗相與賡酬度

此冬舊學雖然荒落盡尚餘吟興未全慵

生朝

三世來都只隻身常疑生日遇孤辰今冬竊喜有雙

子彌月誰知仍一人

生兒不死將滿月矣

旅邸呼門嫌熱客鄉

園倚戶憶衰親殘年風日空清美不放眉頭頃刻顰
題人書壁

都城車馬日紛如有室誰知閉戶居几淨窗明塵世
外莫論四壁盡圖書

人生事業在平居抱膝從來只讀書一室不治陳仲
舉掃除天下竟何如

題范某小影

少事功名晚困游誰知此老意中否攤書拂塵科頭
坐愧殺微官繭自囚

封印後一日爲范筆山倣巨然畫漫題

終歲塵勞望息肩閑來又覺不能眠明牕筆硯難辜
負特爲先生倣巨然

倣巨然畢再作一圖漫題

紙粗原與筆相妨况是前人見未忘餘墨濡毫隨手
興天紳落地不知長

除日雜作

通籍於今足五年升沉南北總徒然

選館給假散館
補部皆五年中

事
官司楚賦偏連任齒較唐詩恰滿篇

今年正合最
唐律之數

覺出人貧第一若論進境愧盈千何時歸捧椒盤去
省得君親事兩愆

擾擾長安盡覓愁窮官於此獨清幽債誰容到今逋
欠禮總難隨俗應酬春意門簾邊响動日痕牕格土
遲留悠悠頗怪如常極稍整書籤轉案頭

學到荒來勢不支一年剛得幾章詩又無好景呈佳
句僅有窮愁出苦思輕俗寧隨元白武瘦寒肯寄島
郊籬吟成卻只能如此始歎前賢未易譏

壓歲錢空僕面涼贖衣資乏妾形忙何期財貨不爲
禮亦有贈遺能破荒魚自遼來孩等壯雞從萊至蠟
齊黃糞頭若得春醪熟擬集親知取次嘗

絕無一事類年除免俗誰家能我如但憶高堂無子
侍略嫌春帖爲人書墨多偶作殘山水畫畢因糊破
屋廬并忘身爲民部屬明朝須起五更初

常年除日慣愁人到得除多不厭頻儘老寧還憂再
老任貧豈復患添貧上官廉自憐窮屬聖主仁應憇
小臣况是昨朝春早立隔宵便領歲華新

癸酉正月廿五日侍王大司農齋宿晨起對雪

卽事

凌晨齋宿起立雪慰平生案息常時鬧庭餘一味清

感春徵辦數

公因春雪不六出特取驗視

憶舊問年成

公憶庚戌年祈穀大

雪追問是年秋成若何

不似風騷士徒興咏物情

王大司農垂和再用前韻賦謝

天似知祈穀奇花應候生下僚頭共白元老節同清

四韻蕩蕙唱聯篇珠玉成殷勤一飯意感激不勝情

陪祀南郊祈穀紀見

正月廿七日

雪有春消路喜乾風將晴報服愁單絳籠燈徧螢飛

浦白粉牆遙水積灘滿地香烟飄陞上照天月魄挂
林端最奇鷹不驚笙鼓羣趁朝陽繞殿看

林端晷育薰不驚坐翅羣欲暝則熱幾昏
畫白似猷豈水賁穢穢此香臥腰到土銀天民對共

寒村白雲軒集卷上

西陵金 張介山

雲間周 葵策銘

全閱

春盡

山水村堪度此生白頭爲子亦殊榮身依北闕原無
謂心到西曹更不平一病何曾親藥餌三春忽已謝
花鶯由來樂事隨年減笑殺癡人羨老彭

雨後入署

只道京師沒好天雨新過後儘澄鮮宮牆綠樹衣初

染市擔紅花火欲然老眼如從醉忽醒病身似得藥
微痊甘霖能頌慙非職又向銀鐙輩作緣

新晴輿中卽景

塵中人自擲年光天意何曾負若忙昨夜雨添槐蔭
密今朝風送棗花香滿街面目銅磨垢繞殿樓臺宿
耀芒更是担頭堪物色櫻桃紅了杏初黃

入夏

一春詩句不多聯入夏頽唐未減前老憶幼嬉成隔
世宦思家食勝遊仙忽忽忙去年如日戚戚愁來日

似年賸喜草花牆脚笑紅黃紫綠各嫣然

五月十一日書寄性兒

不寄家書一月多高堂遠憶敢忘麼晝長半與囚爭
鬧夜短偏遭病折磨五十年多人若此四千里外事
如何支傾拾墜全憑汝但是門風莫改他

爲許眉友畫江天並釣圖漫題

各駕扁舟各把綸隨風隨浪忽相親一江空濶無疆
界笑語何從得未真

畫沒骨山水自題

衰貧自覺太蕭寥山水圖中戲賣嬌索性不教濡墨
汗紅紅綠綠盡情描

題滄江一艇圖

南無雨日愁年歉北不晴時怯路泥

時南苦旱北苦澇

爭似

滄江浮一艇綠陰煙裏聽鳩啼

龍泉寺偶占

拜佛平生實未嘗偶然屈節爲君王
蓼蓼鼓鉞清人耳絕勝呼號滿訟堂

禱爾神祇古亦嘗何妨隨俗禮空王
浮生半日紅塵

外綠樹青莎徧繞堂

是非彼此亦何嘗有甚天來有甚王
官到西曹沈大地底須還要懺禪堂

金滕聞說事非嘗感得風雷悟得王
忠愛後來人勝古一羣公旦坐盈堂

魏朋三之任南鄭臨行索贈別之句
余無暇作也信筆書二絕句答之

與君未暇語從容作宰忽忽往漢中
本擬贈言何待索枯腸爭奈似囊空

此去知君吏治長詩人情性最循良琴堂不忘西曹
冷寄我三升蓋草黃

漢中米冠天下名蓋草黃

秋夜不寐作

落落吾生分寡徒老來七尺一牀枯秋涼籠響哥哥

子

京師呼秋蛩為哥哥子

雨濕燈昏拉拉姑

螻蛄喜偷燈火

客

久難歸連夢少愁多成疾并詩無百年也聽荒唐去
只惜門閭倚望孤

送徐虞門之任臨城

京師有友出專城例以詩篇壯遠行唯我最慵酬應

體於君卻動別離情去安民社無庸囑來陟臺垣是
所應若歎牛雞刀不稱請看一席比曹清

余與金子介山未嘗謀面而言詩則頗有合癸

酉秋季其友卓子次厚南歸為余言介山欲
得余画因於冗次戲作一幅并題一絕其上

寄之

我愛先生詩裏画先生愛我画中詩何時並泛江湖
棹細與先生一論之

又寄介山一律

風雅源頭只在心悠悠
行路向詩尋笑他一哄分唐
宋忘却雙丸已古今
此意在吾通作画相知如子定
成吟燕山越水三千里
莫吝因風惠好音
題海昌陳某登車攬轡圖
我豈竟無天下志
從何處起說澄清
看君攬轡登車
意又覺雄心見獵生

同官許勗亭以養親乞假話別有作

兩世論交誼忝居羣紀間

尊甫師六先生為余舊交

玉堂曾步武

粉署又隨班以我心如水憑君案似山

勗亭在律館與纂修律例

事方期同盡職何意忽南還

同官將浹歲卒卒未知長酒不能齊量詩無暇和章

勗亭善飲喜作詩

從茲一判袂何日共含香短晷殘年裏孤

踪覺倍涼

念我親尤老時時苦憶家一貧無力去百計但能嗟
眼羨龍歸海心傷鳥在且漉其送客意不但客中加
泉石吾親志廟廊尊甫材緣家難博去東帛定徵來
東閣推元老西曹羨雋才可能懷舊侶定省在蒿萊

余亦將乞假養親

贈文寶兼謝韻

此生原達觀於友實柔情惜別無如我同寅况若兄
三冬差幸暖一路定逢晴若肯斯須立尊醪莫憚傾
高粱橋道中
郭外風微路少塵兩肩竹轎藥輕身支寒不患裘無
力覽勝還憑筆有神山色紫因先得日柳條黃爲漸
逢春勞勞莫只嗟酬應眼界胸堂又一新

大雪口號

深擁重衾并伏蛙身拳底事脚還麻幽牕夜伺常疑
月老眼晨開頓覺花不見塵如天聖粉偶過風似鬼
含沙煤爐火斷無門乞屋角枯株一叫鴟

除夕雜咏

迂拙唯便翰墨清何堪錢穀又刑名久傷律例乖經
傳律爲後世之書無例不與聖賢相反况覩官胥巧縱橫輕重也揀隨
世變是非無奈本心明年除事事同塵掃未別胸中
是不平

平安字亦慰高堂何事家書累月忘落筆快防談旅
困封函空媿策年荒冬深始命僮奴往仲冬八日遺僕南回歲
盡行看藥餌將好否不知曾到未南雲渺渺費瞻望

弱稟羸軀畏是寒衰來火症動無端經年肺胃春潮

吼咳嗽經年卒歲肌膚凍樹乾書畫性成都廢閣起

居習慣忽艱難適來適去曾何礙為有雙親敢達觀

浮生長恨負居諸尸素會無此歲如空製悲唐新樂

府守備唐汾犯法當戍上陽而家有老母其幼女投

聲余憐其孝屢為之請而卒格難更讞李舊爰書山西

於例為作悲唐行以志吾歎督學李觀光為怨家所許問者誣賍論死旌民法異

余謂罪無死法例當減等而竟不能得死徒科懸輒漏

偏羅雉民罪至徒流旗罪止柳號然死徒科懸輒漏

魚強盜殺人往仁術也知須慎擇春來何計遠庖廚

余嘗戲指刑部為庖廚

若將交際一供明敢道臣門似水清紅相燭輝煩鉅

鹿鉅鹿令李玉林以提調秋闈至京事畢黃芽韭嫩

累臨城臨城令徐虞門書瓜投巧夕雖償值炭

送殘年竟領情山西民王愷之妻為旗人賈三所誘

還愷于七月七日持西瓜十顆稱謝余酬其價底事

追呼仍絡繹貧原不係博廉名

報國文章力所任三年郎署枉浮沉緣慳典試羞銜

俗望斷衡文讓俸深罔効涓埃歸未卜末由救水仕

何心明牕晴日空春意不異寒雲匝地陰

臺中奏議故紛更

御史有參翰林部郎不可提督學政一疏

都下謠言慣

沸羹

相傳京堂謀出督學故免臺臣出疏一時小說流行有小京堂密謀翻大局死御史賣本作生

涯老郎中掣空籤望梅止渴窮翰林開白口画餅充饑四劇

此日風波應暫息吾

家光景只常清親朋貧劇無來往歲月除多不送迎

只照平時閑坐臥布帷長下卷長橫

不接兒音兩月強貧家儉歲度何方屢探消息於同

里大覺憂危是故鄉

時問同里胡鹿亭知故鄉近狀

夏旱秋霖無穀

菜

四明春夏亢旱秋後又遭大水

天虹地震底災祥

仲冬望日白虹貫日廿四廿五

連日地震亦知內顧心過切白髮親無子在旁

休誇五十七年身聞見元來逐日新文好醜如朝指

鹿

如會勘揚文鐸試卷等事

官分合似野生燐

秦中捐米緝官例得頂替因有合數

官為一官分一官為數官者改頭換面不嫌反覆虞山陶紫司謂如水銀轉盤青浦王令貽謂如鬼燐走

野餘齡若使天還假佳話應多古未臻眼底堪疑街

爆竹終朝懶散不驚人

今年除夕炮聲絕少

一卷詩嘗紀一年今年能得幾何篇

每年作詩成卷今歲獨無學

隨時落胡如此力與心違豈但然老去事遑論此後

閒來情轉憶從前

年終封印頗有暇晷

吟成只恐人傳誤手自

分疏手自編

分疏手自編

國朝藻華茂茂衣與必數宜

一水

...

...

...

...

...

...

寒村白雲軒集卷下

京口張逸少

西陵陳恂

燕山周道新

江都顧圖河

巴西岳度

新安汪濬

受業

全校

甲戌正月十日題查夏重蘆塘放鴨圖

人參鴨子但滋疑君在蘆中自得知只恐今春風雨

驟一聲雷變鳳凰池

時夏重以新孝廉應試春闈

十一日齋宿有感

祈穀為郎合助禋一年但覺一年新

京官自員外郎以上俱陪祀余

祈穀齋宿蓋兩次矣

官從戶部來刑部日用中辛易下辛

舊年用下

辛今歲

侍立依然當日雪唱酬非復舊時人

舊年雪中吟咏

王大司農相唱和

何能決計寧親去較雨量晴儘率真

同考春闈絕不吟詩榜發出院有問其故者率

占二律

自設科場後三年定舉行教條官有熟體統吏都明

不用謳歌記無勞感慨生一雙衰鈍眼且顧卷縱橫

羣賢同鎖院豈患和音稀但類誇恩寵還愁惹刺譏

凡詩須有為不語未全非千古風人肯原應會入微

病中雜作

病身不耐訟庭忙及早歸來日正長一枕夢回簾影

換簷頭風馬自丁當

補消無法衰年病冷熱難調初夏天行坐此身無著

處欲眠又苦不能眠

清閒本是養生方無事偏如有事忙書腕酸磨鸚鵡

眼吟聲斷燕女兒香
匍匐西曹一載強
詩篇檢點不多章
每因小病添新
句清味知唯靜裏長

有問余不談時事者賦答

生來也慣短和長
官小年衰底便忘
自反常疑人盡
是不平無藉我能狂
沽名事未還觀睫
賣直言終頓挫
鉞况此乾坤誰黑白
一張眼看本茫茫

午日睡起

敢嫌庭戶太淒涼
酬應稀疏亦味長
除對瓶花消永

晝只餘斗米過端陽
重寒熱後難調體
假寐朝回忽到鄉
起坐南牕閑弄筆
病來詩禁又荒唐

寫前二詩寄性兒因吟一絕示之

不作詩來久誰知
格長多吟成書寄汝
須解意云何

六月朔日招顧書宣編修周郁叔陳相宜張天

門岳伯憲汪苻洲諸庶常小集漫賦

趨庭心醉文章裏
通籍身忙簿牘中
悵望吾師千里

隔

謂南雷師

思量賢輩一尊同
庖無兼味供佳客座有狂

吟唱病翁不識玉堂清
課暇可能匝月兩輝蓬

聖世清明舉患貧論文飲酒復誰人窮官北海樽何
敢老子南樓興却新所願諸公同此志不妨屢會率
吾真尋常聚首非容易已策南旋侍兩親
儒宗學自有根源做得詩人僅闖藩但要性靈還活
潑亦須風雅滌囂煩長叨一日毋吾以志在同堂盍
各言若替宋唐爭格調黃塵堆裏市聲喧
陋巷荒齋本似蝸肯來羣彥卽繁華雙雙梁燕私相
語朶朶瓶蓮喜白花一日體求堪應制千秋業務到
成家長安詞伯多拘論此意人前莫浪誇

卽席用瓶蓮爲題唱韻限紅香二字

出水朝陽各自紅偶然貯一古瓶中低昂含吐論年
若高潔光華立品同生液池原清禁物來茅屋又野
塘風硃砂翡翠虛矜寶

瓶係舊物有硃砂翡翠等斑

終覺年多是

舊銅

野沼荒灣絕世香折來女改入宮粧一甌水豈沾多
潤二尺筒能吐盡芳清露微波生世隔晨風初日夢
魂涼也知秋後同零落獨惜紅塵度晝長

贈家墨林

會心誰復遠喜近出吾家於世曾無可相看但有嗟
俠情貧未化壯憤老還賒筆墨真餘技長安竟浪誇
相國宛平師以兩扇命書命畫賦呈
宰相家稱第一誰聖朝端的屬吾師烏衣巷本名干
古象笏牀重見此時孝謹傳來三世久公忠矢處九
重知豈知密勿論思暇末技微長也不遺

春闈七試鬢垂霜幸遇提攜到玉堂三載奔波官似

客

自戊辰至辛未三年之中假歸復來真如寄客

四年匍匐老爲郎圖書寄

興心無賴吐握憐才意未忘何日西清重許入追隨

杖屨侍明光

七月三日同人再集喜雲間周策銘荆山昆季

見過兼懷書宣相宜

雨未收殘暑風初送小晴吟觴才再舉座客已雙更
合與離相準愁和喜忽并不須分韻賦新句自然成
雲間今二陸文采士林無肯忘風標峻來憐臭味孤
七賢寧漫擬九老適相符却愧鋒鋌接徒能助噪呼
詞壇得顧子風雅見源流敢屈稱高足惟知放出頭
才多偏善病宦達更工愁可亦懷吟侶分題少一籌

京師文酒會寥落莫如今盛事吾將續良緣天似禁
志難諸彥合病又一人侵贏得君湖海尊鱸未動心
書宣病思乞假而相
宜亦忽有小疾故云

七月四日送施長六南還

如坐春風似飲醇世間那復要斯人容他鄧尉靈巖
去洗淨長安撲面塵

七載追隨豈忍分思歸其實迫於君何時得趁寧親
便重過吳閫一論文

中秋對月作

乾坤恨事月虧盈佳節還愁雨不晴莫道京師無快
意中秋歲歲徹霄明

輓東海師

關門吐哺急憐才無忌田文接續來此脈千秋從未
斷一燈今日忽然灰斯文真若天將喪舉世都云泰
已頽何必吾污阿所好纔思慟哭記西臺

及門最後嬾趨躋曾未如錐早脫囊不道同心期永

好去年惠書中有
同心永好等語偏從晚歲屬寒香驪黃外相知真

獨霜雪中盟意忍忘敢謾隨人兒女淚報恩自擬在

文章

武闈分韻

廿載此間曾七試一年以內忽重來君恩深更思臣
職國典同寧薄將材明月廣庭仍白晝涼風小榻却
黃埃聯吟幸值含香侶感舊還驚畫角哀

頭銜已向瀛洲別宿業偏於鎖院長豈悉文經兼武

緯謾勞春月又秋霜厨蔬淡薄新供帳壁紙飄零舊

住房

余前住第十八房已破碎不堪矣

敢便視如鴻雪爪此心歸欲

對高堂

又卽事二首

錢穀原違狂士用刑名尤戾腐儒情半年未了寰中

獄

今年天下秋審大司寇屬余掌管

數日堪觀紙上兵奉命幸唯文

字校掄才不向殺機衡依然剪燭揮毫暇共步虛廊

看月明

不解因何最慣愁是身到處畏重遊庭高去後新萌

蔚樹杳當時舊喚鳩五夜詛文聲已寂

彭無山每日作誓文一篇

五更露跪草庭朗誦告天如咒

一條禁約紙空留

高霖公自立禁條粘之門板風吹日

炙字已無痕

早知事事成陳跡贏得疎狂性自由

題范方仲印譜

此事當年我亦曾橫身苦趣歎無能陽冰絕技原來
有見獵心真喜不勝

立春日朝中口占

畢竟仁心是上天春今准立十朝前

臘月二十日 梅枝雖

北寧遲訊荆樹無皮也過年

時有裴禁獨有所嚴 曉霧日紅金

闕鳥東風冰響玉河泉獨憐五載違親子不似陽和

歲一旋

題馮敬南求詩冊

臘月廿四日即事

文筆羞緣刀筆乾諾人都約歲將闌衰年得女還奇
病貧戶逢春復大寒老馬豈堪長路策饑鳥猶向夕
陽揅打油拖沓從譏笑只對君愁出手難

乙亥正月十七日開印口占和范筆山原韻

巷鼓街燈收拾纔衙門印又刻期開雞三號裏衣冠
起漏五更餘拜舞來僚友久無程課約吏胥唯有檄
符催空將給札修封事

西曹封事俱係刑殺故事開印畫題擇求給紙札一項居

首余山西司所專掌也 回首西清亦媿哉

自題畫

平生作書喜作草結構忘時便自造萬事唯求適吾
興未嘗有意討人好只今作畫亦復然隨筆所之不
用稿荆關董巨法安在畫工見之笑欲倒其實造物
賦形殊變幻無端正極巧試看天下人面孔何嘗有
一相逼肖若必一一相臨摹萬載千秋數人了所以
曠古大聖賢乘時傑出凌天表不似後儒襲陳言拘
孿齷齪徒見小人生會得此意真區區世法尚足道
春寒二月尚如冬退食歸來萬事情誰與盤桓消此

題半松圖

寂揮毫偶寫半株松
曲折欹斜畫不全如痴似醉嬾爭妍可憐生具干霄
骨猶被藤蘿着處牽

一半丹青一半藏繁華那得及羣芳經年開謝知多
少老幹疎枝倚畫堂
有餘不盡是平生落落喬松幾筆成底事又將詩句
補樹黃葉翠動閒情

題畫送王東壁之任平湖

臨岐無句道離情就寫平湖景送行莫怪贈言新義

少循良從古只平平

出守得高州有作

南北東西唯所使九千里敢怨投荒形單影隻垂三世親老家貧各一方冠服亦隨人改換鶯花獨到我淒涼從茲嶺海浮沉去可得重依日月光

題畫

江空賸有孤帆飽山瘦曾無半樹華直寫一生寒苦相那知六法本誰家

宛平師餞別豐臺沿途雜作

村居頗欲賦囚山一出山來糞土間今日郊行如遇

舊未看花已覺開顏

豐臺芍藥最盛時正開放

西山轟轟向輿青萬綠齊來喚夢醒最愛白楊墳際響飛空直上欲干星

窪流積處疑無路密樹高時似有山每怪北方平行極穿村遶墓不嫌彎

秧茁平田幼綠齊花榮細路碎黃低小橋斜度垂楊處乳鴨雙雙水拍堤

面田僧寺原栽稻傍水農家亦網魚豈必江南風土

白雲軒集卷之二
淨紅塵息處便堪居
豐臺舊蹟從誰問
鼻底紛來芍藥風
小徑踈籬忙着眼
一園叢綠亂堆紅

都城塵土沒頭埋
拉雜難堪小巷街
淨業底邀天獨
厚種花一事作生涯

八旗屯子徧皇都
尺地民家得住無
不是兩朝名相

國此間坐未必容吾

大名成相國舊園今屬吾師

多如原草密如麻
翠紫平鋪錦莫誇
髣髴家樓春眺
望平田萬頃蒺藜花

名園亭館不須多
楚楚能除花石魔
曲徑迴欄古井
畔柳槐陰底發笙歌

八載師恩似海深
看花對酒定相尋
臨岐偏值將離
放撩亂無邊恨別心

臨風把盞相君筵
個個蓬山閬苑仙
偏我浮沉嶺海
去重來未卜是何年

獲嘉新令何澹菴
惠詩送別答之以画
因題其

上

八年不與君需次
萬里偏愁我遠行
同出春明徒惆

惘驚聞贈別有新聲
亦思望壘把旌摩土室埋如老伏波慙媿桃投無李
報爲君信筆寫山河

書答陳莘學贈別

兩家交好同羣紀一旦分攜似柳劉欲和來詩增悒
快拈毫欲寫又還休

題寓壁

人料途窮先引避鬼知情極故抑掄揮毫不減平時
典鎮日空堂似守株

將於六月六日出都赴高有作

如吾才豈合專城况作南荒萬里行五命猶艱糧橐

裹自選館至出守凡五命矣雙親容易板輿迎性兒書至知兩塵

顏汗背辭京闕暑雨泥塗怯旆旌除比韓潮柳柳例

高州他日竟當名

高州地舊曰高粱似此人應仕此方人地同名一百年多

思繼美一百九十年前族祖二千石裏要稱良高州志中

名宦最少武功平世應高閣前守多以武功著名文教蠻天合破荒

但恐懷歸情迫切淹留歲月未能長

高世出日竟當各

蕪平背賴京闕暑雨或坐卦淋致利北韓賦賦賦賦

寒守凡正命矣雙賸容具對輿賦大人不為涼蓬

收吾木豈合喜賦賦卦南荒萬里行正命辭賦賦賦

詠公六月六日出晴甚高百卦

寒村南行雜錄卷一

番禺屈大均翁山

戴曾

寶坻王漢書註刪定山陽楊開沅校刻

南海梁佩蘭藥亭

戴晟

六月六日宿長新店

尋常頭面沒塵沙一覺長新夢自呀閣閣終宵街柝

楚琅琅四壁馬鈴譁遠行敢望重依闕便道差貪得

過家如此聽憑天使尼吾生何日是懸車

張夏遇山右邢佩芳同行時佩芳之任臨海

車傾馬跌到山東才喜天晴又谷中南還至張夏入山半月
僅行千里弱十程忽遇兩家同從此至淮安計十程雲生岱嶽
還愁雨水涉沙河復鬪風他日登仙重過此南荒可
憶有衰翁

山行二首

六載紅塵眼山行到處明是花都悅性無草不關情
雨過林如沐泉添澗忽鳴最憐禾黍茂比戶得西成
歸途不避雨一日亦時晴溪曲涉還涉岡重平未平
黃芩花雪藕酸棗實垂櫻何物橫天跨還家好計程

霓見則雨止

歎野花

生長山間應沒世芳華道左合知名行人忙迫居人
俗蓬藿叢中歲自榮

吊死驪

非驢非馬自何來瞑去曾無骨肉哀正似頭陀僧苦
行一生筋力總燒灰

棉花

但曉寒依爾那知艷奪人花疑葵向日葉類芍當春

深淺紅黃錯縱橫錦繡陳品花曾論定到此欲更新

南瓜

頗疑幼嗜僻

嗜食南瓜

今覺本風光宛宛龍蟠地騰騰蝦

上牆露深蓮沼綠日爛柘袍黃俗眼多從耳虛榮大

道傍

峒嵒新晴

大地朝來已晦冥不圖亭午忽然晴人情喜似籠開
放物態新如鏡拭明綠草岡飛雙鷺潔紅花灘噪一
蛙清敢言跋跣征途苦只當峒嵒覽勝行

聞蛙

江村聒耳厭蛙鳴歸路驚聞喜不勝最是淺汀新雨
霽蓼花紅處一聲聲

題戴西泠新集

六年耳目苦蒙塵到此詩文始見真師友功勞書卷
益欲傳海內示斯人

但掃文家一種塵沿河遡去自源真讀來忽下傷心

淚欣賞無緣共故人

謂公擇

高郵舟中

沿堤草屋蔓藤斜紅日初來照劇華白壁黃金光奪
目冬瓜花雜飯瓜花

唐栖訪金介山

歸心早已渡錢江底事唐栖繫小艫一二故人須會
面介山同調更無雙

讀君詩稿歎清狂天下曾無物可方一旦造門難執
贄三雙佛手百蘭香

僕僕風塵黯自傷望君如在碧霄傍案頭聞得精茶

具讀詩稿知茶具最精肯惠南行濯肺腸

知已同時最不多生偏異地可如何此行預作歸來
計一棹寒村莫靳過

八月三日到家

匝月程延兩月長京師至家程止一月暑雨阻滯兩月始到留家時日道

途荒到門老父還拋杖入室慈親驟起牀五馬國恩
猶愧竊一經世學敢言償團圞且說京華事暇及南
行萬里裝

初六日老母生辰

之官便道過家時又值萱堂設悅期敢道人生容易

得誰知我罪正難辭八旬二老依孀婦弟婦孀居三十年矣
世單丁育女兒性兒尚止一女不待晨昏寬暮景過門一入
竟奚爲

雙親不肯就養

本爲雙親博一官一官博得竟何干都城珠桂支吾
窘嶺海山川跋涉難棄職那能不畏簡攜家又未足
承歡可憐退遂藩羊似轉羨書生地步寬

團園聚首亦人情祿養休論世俗榮一代遺民周粟
澹先朝命婦板輿輕名門故是難爲子遠道那堪不

勝情縱使三年歸未晚憑何方寸理民生

哭南雷師墓

歸程幸返三千里別緒思傾五六年庚午別師北駭上今六年矣

聽姑蘇城外信南還至蘇聞訃愁過黃竹浦傍船秋山慘澹

墳深閉老屋荒涼像獨懸回憶剡湖橋畔語余初見先生絕續在子一人之囑傷心嗚咽只流泉

毓秀鍾靈三百年蒼天此意竟徒然忠臣孝子讎空

報先生爲忠端公復社東林脉僅延戴山主持東林之學先生以復

社眉目獨遺老文章泉石媚大儒事業簡編傳一生

寒餓猶歸盡啼殺南雷樹上鷓
千秋萬歲不亾人觀化何須泣獲麟正恐一時文統
墜莫傳百世道源真心憐斯世淫垂淚學絕吾徒黯
愴神就挽藍溪黃浦水也難流盡鼻酸辛
六十年來潦倒身交游天下不無人若論千古相期
切誰似先生屬望真從此餘齡雖宦達終如薄海一
孤貧三年築室尋常事慚去高涼擁畫輪

爲李寅伯諸子題九人圖

論道談文事杳然披圖如復見當年三三兩兩家風
在好作明山佳話傳
親老家貧別惘然此行歸計決三年肯容燈燭輝殘
照猶冀南雷火再傳

義橋早發

十天杭越路忽忽侵曉船開浙水東風暖三秋霜未
降雲收兩岸樹初紅山頭轟轟爭迎棹水面盈盈任
轉蓬從此高堂將日遠音書何處問飛鴻

七里灘

重來已是十餘年七里灘原只似前山翠臨頭疑入

地江清見底似行天一門鏡駭乾坤裂百丈繩愁性命懸堪笑画眉無個事聲聲各自據峯巔

釣臺六首

十六年前過登臨興頗豪一官嶺海去頓覺此臺高
突兀撐雙石婆娑老七松豈如江上客來往後無踪
高堂無老在魏闕有君知今古人懸絕寒江把一絲
舉世趨榮利空山廟貌新江流奔日夜碑石自嶙峋
按劍猶投璧君偏避故人定因情所適非必不爲臣
不着羊裘釣漁翁孰識來悠悠千載後乃認石爲臺

程邇修題嚴先生祠有放開隻眼看天子之句

余極愛之而惜其通篇未稱因爲足成一律
放開隻眼看天子挑起長脛壓故人豈果但知爲執
友終然不識是君臣巖廊富貴心如動草野粗豪性
自馴我亦目空千載士到今苟論不能伸

將至蘭谿舟中書見

南岸松杉北岸楓一邊蒼翠一邊紅清流徹底東風
便臥數羣山夕照中

舟次衢州送萬授一之延平兼柬范筆山

夢想高齋十幾年

余客三衢時極慕趙清獻高齋之樂

重來飄泊古城

邊尚書征戰江流水

武定李鄴園先生

詞客恢諧野散煙

會稽

徐野公

萬里攜家親在籍一官垂老友分船

時授一同舟至衢

憑君寄語延平守此去詩情總悵然

由西安至閤皂灘

出門總屬重遊處此日舟行却未嘗一省程完楓柏

赤三秋序畢橘橙黃江源垂盡流彌曲山路將登驛

漸荒

自義橋至此始不見汛卒

偶與同人閑指點暮雲東北思

茫

發常山至玉山

江行才了又山行一路秋光十倍清紫綠紅黃林麓

暗青藍翠碧岫峯明溪迴似有逢仙分村到能無結

社情獨過草萍頭亟轉前驅不復故鄉程

鉛山舟中

宦情少小便闌珊遠道衰年豈復懽連日風波偏自

喜一生聞見覺差寬江山奇勝詩無暇氣候晴和畫

實難徙倚船牕時極目片帆已過幾重灘

舟中夜起

徹夜會無睡熟時離家不耐百般思起推篷扇偷看
月坐擁衾窩怕聽鴟驛舖賭殘初息燭鄰船棋罷尚
談詩雙親若也聯牀話太息多應是憶兒

滕王閣

連朝偏遇打頭風薄暮來登閣又空放眼忽臨全楚
外置身如在半天中西山細雨雲添白南浦新寒樹
減紅路出名區何復恨家君作宰不相同

垂老投荒悵悵行登高覽勝亦移情若還逢餞詩何
有欲補從遊賦可成文字久隨歌舞罷江山空賸雨

雲橫只須片刻憑欄立歸掩篷牕耳浪聲

十八灘偶占

出山性急是清流冒險何曾畏石頭多少青峯相愛
惜彎彎曲曲枉板留

贛關

平寇擒王直等閑名儒事業此班班一時士馬無愁
餉千載商民竟過關土辟府充原有謂塞源拔本豈
應刪九原欲起先生問敢緩良知急濟艱

過庾嶺

莫道炎荒老不宜嶺南風物實醒脾一枝梅暖先春
放千歲松高特地垂駭綠紛紅遠石茜縮螺抹黛谷
巒奇板輿若肯同來過書帶應添幾帙詩

舟發南雄

行行回首白雲賒渺渺真同泛漢槎山色萬重無水
路水流一折又山家花繁茶嶺春過雪泥赤松林晚
照霞滿目風光非故土簿書雖到不能查時吏役賫冊到舟

由始興至仁化舟中卽事

垂白南行數未奇舟中幽事頗相宜僕供水石賓圖

畫畫賞溪山夕賦詩辛苦低顏終老婦

樂天初到江州有老婦低

顏事舅姑之句

遷延避學且童兒

東坡赴官惠州如小兒遷延避學

順流明

日程知遠翻恐雙睛應接疲

曲江

始悟人生不險巇乾坤終屬管中窺關踰梅嶺真分
界路到韶州算出奇露醜呈乖山破碎迷津失道水
狂癡虞廷萬古名流祖合坐皇岡要鼓吹

發韶州

乍聽銅鑼速曉航便掀篷起領山光鏃尖遙望蓮花

拱壁立驚看虎榜張

蓮花峯名 虎榜山名

購得遺書聲朗讀

從張

文獻公后人 得其遺集

攜將舊志意參詳

閱志看山 意揣而已

吏胥來只

知期會應笑新陞太守狂

將至英德

龍頭彈子又觀音

彈子磯龍頭影山觀音巖皆路上勝境

半日英州劇

助吟水曲環山常八面山奇臨水忽千尋狂風驟失

篙工色險道殊開畫叟心

是日余方作画

不解前人緣底事

南來苦畏瘴嵐侵

英德

小小山城築水湄晚舟偶為故人維連朝佳勝看真

飽一邑荒殘思忽悲紅滿船知柑獨賤青堆店恨石

無奇南薰會奏猶如此愁殺高涼並海涯

邑有鳴絃峯相傳舜

于此 鼓琴

滇陽峽

曲江集詩云行舟傍越岑窈窕越溪深水閣先秋冷山晴當晝陰重林間五色

對壁聳千尋惜此生 遐遠誰知造化心

滇陽詩句曲江看不道崔題李遂難山冷果緣深水

闇晝陰偏直疾風寒重林五色燒餘嶺對壁千尋鑿

後灘

相傳牯牛灘釣魚臺俱 經有明郡守符錫開鑿

遐遠獨能忘歎惜茫茫

造化總無干

題王紫詮羅浮觀瀑圖

一自東坡去惠州後來誰足主羅浮風流今見王知
府觀瀑哦松坐石頭

南來西去分無緣

余來守高州先
生去巡川南

意外相逢不偶然

頗恨追隨無幾日披圖未暇綴長篇

河頭

地窄天尖日早斜嶺南西路此登涯嗚嗚咽咽泉終
夜落落寥寥役幾車不覺驚心飛里閉可能回首到

京華也知恩命無隆殺前去荒涼似忒賒

天堂道上

一到天堂路疑來地獄中四圍山滅樹一望土乘風
那有人相遇都無鬼與同追隨三數役未勝牧牛童

黃泥灣

荒山半日苦風沙晚景黃泥却甚華峭壁倚天張寶
繪奇峯拔地爛名葩洞探銅石攀栖鶻菴坐慈雲俯
落霞安得一生無個事結茆終此伴漁家

序
 吾師出守高涼安世獲厠從遊之末政事之暇輒與
 署中數子賦詩顧其為詩雖遇佳辰勝賞每有鬱鬱
 不得已之思夫今之成進士者需次四五年或七八
 年始得一官其地之美惡惟命是聽而銅山金穴之
 家乳臭不識丁之子握符綰綬恣睢民生往往傲正
 途以所不能積學之儒恥與噲伍矣吾師魁南宮讀
 中祕書歷試戶刑兩曹不數年而躋方面其遭遇豈
 易得哉而顧猶有鬱鬱不得已之思何也昔人有言

雖處放廢每飯不忘君杜甫是也安世則以爲雖處
榮顯每飯不忘親吾師是也吾師高堂雙白髮優遊
頤養於蟾山鶴浦之間聞孫朝夕供甘旨不忘其志
樂矣然萊舞之忱出於至性欲歸養者至再至三而
局於職掌承審承追之案一日不結則上臺必不允
引例鬱鬱不得已之思時寓之於詩其以是乎若曰
此邦僻陋非高賢所宜處子厚在柳退之在潮皆不
免有憂悲感憤之概不平則鳴所固然也此豈吾知
師并知吾師之詩者哉安世侍吾師最久窺吾師最

真敢跋數語於高州詩集之尾至於詩之脫盡時徑
自成一家則當世之知詩者久已知之固無俟游夏
之贊一詞云爾康熙歲次丁丑重陽五日受業武進
錢安世謹識于高涼郡署之西齋

寒村高州詩集卷上

雲間王

原

受業

新安程

遠

全校

武原錢以澄

毘陵錢安世

初度日發安樂墟抵高郡

五十九年前此際豈期黃繖轉高州竹城草屋驚新
夢粉署金闈憶舊遊親老先圖他日去身迂自分一
官休道旁觀者郊迎輩濟濟誰知守善愁

半載舟車萬里程

自京抵家自家
抵高計程萬里

懸弧晨忽到高城

荒墟猶自稱安樂疲邑居然號茂名日暖花香天似

夏江清峯碧世如平何當不負南來命算抵吾身又
一生

登寶光塔

老腳還爭僕隸先下車便上寶光顛一城雉堞真如
斗兩岸人家總似塵鑑水清明光匝地筆山尖銳勢
冲天何當盡鏟峰層疊放眼憑高得曠然

除夕

每逢除夕動詩情花甲將週句嬾成萬里之官名有
職半年在路等無生幕中詞客羣開讌燈下蠻歌競

發聲誰料主翁歡笑假高堂白髮只心驚

題畫

離親去國意忡忡文網拘牽道苦窮底事未能忘筆
墨山鵠聲好佛桑紅

荒涼莫只歎南巴鳥寫丁香子儘華更有外江人未
識燒天一樹木棉花

剪舌能言鸚鵡同如何偏得免牢籠春風枝上雙雙
語應是人聲學未工

桃花春放火燒空合變爲鳩順化工爭奈雙睛天付

與一時怒起欲橫風

發茂名至化州

出郭西南向化城高高下下總山行
蔽牛老幹多連理宿鳥叢枝半寄生
萬樹陰成如夏景一蟲響發忽秋聲
四時氣備真堪玩獨惜春田旱未耕

登寶嶺問石龍縣治無識者

石龍縣治已荒丘春草遺踪底處求

明洪武時吾邑烏春草先生曾

知石龍縣

敢望再更三百載人傳太守舊風流

珠臺

纔從寶嶺下江頭又上珠臺暢晚遊
轟轟一峰相對立迢迢二水合并流
箬篷野渡機梭織茅屋山城隴稻收
波底龍吟聲久寂欲題連理孰賡誦

由化州至石城

纔落坡來又上坡並無人亦隸傳
呵連岡雪是桐花白盡日陰綠榕樹
多鼓吹山空林表應旌旂路轉竹頭
過泉甘茶美琉璃寺風味依稀似浙河

由石城至吳川

觀風取次到吳川五馬南來直盡天
路有塵沙如漠

北城唯瓦礫似山巔幾通榜欲求民隱一束芻難起

令眠

時令正物故

遺恨平蕪空記取青峰剩向浦亭圓

陳宜

中詩異日北歸須記取平蕪盡處一峯圓

題熱水示電白楊令

目倦荒山與亂坡獨於熱水愛頻過四時溫燠真堪
近一味澄清總不磨莫怪偏方殊物性須知大地本
陽和青林翠岫兼奇石生趣菴前合最多

宿溫泉菴又題

恰是沂春欲暮天偶來浴忍遽言旋盡驅諸吏兼程

去獨向孤僧借榻眠圍合山光青勝染蒸騰水氣白
疑烟垂簾一夢忘身世竟欲誅茅結數椽

五里山雨後

一出南關意便清况逢新雨又新晴青山綠樹頭初
沐白水黃沙眼再明高塔忽移天上立遠航多在鏡
中行紛紛紅紫相迎笑知是名花莫辨名

衙齋偶作

舊房修整朴無華安得圖書當得家豈敢遂淹三載
席只今且看四時花

苔靜空庭雙鴿下蘭清密室一蜂來莫言案牘無心
理滿架圖書也不開

題郡署三堂

誰云炎熱是南蠻冰署無人夏亦寒雙樹清陰酣假
寐一禽好語報平安

落拓因循過一生此間何意轉沾名官來接見民傳
語曉起標殊夕判行

思家自問

平生性格厭紛華冷落風光慣自誇粗俗可堪官太
守荒涼差幸地南巴珊紅翡綠扶桑樹玉皎冰清賸
雪花更有木蘭香絕世不知底事苦思家

賸雪花歌

高涼有一種白花四時常榮香潔可愛皚皚
綠葉中恍若春林之賸雪也俗以其蕊長銳
呼爲狗牙污褻甚矣嗚呼佛手偏名狗爪數
人至以隻計高涼名實之紊寧獨此花哉更
名賸雪作歌以洗刷之吾郡守故權輕所得
自行其意者如此

高涼人生不識雪偶見霜濃疑莫決我來自分兩眼
中無時得覩乾坤潔衙齋曉起步花間葉上層鋪玉
片切恍如大雪霽春林半已消融半未滅只多一味
幽澹香質更玲瓏光透徹驚呼左右問伊何羣曰狗
牙真怪絕天開地闢億萬年越裳日月寧未瞥佛手
柑名狗爪柑數人以隻雞豚埒可憐如許出塵姿稱
名乃爾汗且褻始悟從前循吏稀余嘗怪高誌中循吏絕少自是
妍媸人莫別物生不得地皆然千古同悲何處說吾
嗟萬事文網牽花恥猶能爲洗刷更名賸雪作長歌

世間名實終符節

感木蘭作進退格

花品曾憐雞爪最

卽珠蘭

此花出並草花看未開蕊葉

渾疑桂已綻馨香直勝蘭骨相縱難榮上苑風流底
竟落南蠻何時載作高堂供瑣碎黃隨舞袖斑

空衙

平生事過便知差到此偏如鏡裏花百姓故應看若
子一官曾未認爲家職名儘着題叅屢簽檄從教辱
晉加強所不能吾不會清風明月閉空衙

波羅蜜

仙掌高伸佛手垂
嶺南花果足稀奇
誰知還有波羅蜜
掛出僧頭在樹皮

夜坐

報國思親兩意牽
南來能熟幾宵眠
蓼蓼更鼓敲難住
橐橐晨柳斷復聯
回首總無方縮地
折腰那得氣冲天
祇應一桂三蘭裏
斗室空牀坐兀然

有問余治高何狀者賦答

擬將周孔澤斯民
奈與時違志未伸
頑梗蠻方應整

頓饑寒赤子足酸辛
陋規已有前官革
善政寧無後

守新

善政得民財

我只一心休養去
從教能吏笑因循

高涼人取番波羅
插葉作鳳形
余屬程方九繪

圖因題其上

番波羅似路頭花
葉插繩懸作鳳誇
寫挂扶桑傳狡獪
獐攜歸相與說南巴

中秋早起

一年月色是中秋
白粉牆邊曉更幽
幾格紗窗無裏外
垂簷柚影大如頭

生爲寒士營場屋晚作粗官累簿書天不從人無可
奈今雖悔昔就何如

偶歎

少小從師講越裳一時白雉哄書堂青雲自許登何
路皓首誰知落此方民鮮愁貧偏盜夥草青防病及
茅黃爭如唐宋人遷謫山水間猶得放狂

安樂墟

敢怨官微此送迎暫離案牘也神清百圍樹壯黃泥
堠一掬潭明翠篠城矮屋紙牕烘短景荒園蕉塢肅

寒聲誰來守土將期月安樂墟猶浪得名

王令詒年兄和前韻仍用前韻答之

一年與子兩郊迎悄悄情隨節序清感慨於今雖次
韻別離從此不同城晴天當午如春晝墟日逢三亦
市聲遠宦孤悰曾減否相期直欲棄微名

時王已
罷官

余改狗牙花爲臘雪花王令詒錢王功俱有詩

因次其韻

團團密密整還斜不待春風始發芽南土經年長對
雪綠叢四季總舒花香當幽僻啗沉水潔到清奇陋

彩霞寂寞使君同歎賞知忘珠玉與排衙

南荒識議自傾斜何用調停喚九芽有為粵人解嘲者巧作調停謂

是九訛作狗仙令肯同歌白雪羈人喜不負名花玲芽訛作牙

瓏玉骨原餐露綽約冰肌定飲霞試問上林曾植否

底來蠻服閉空衙已上王韻

盆盎栽來易幾星婆娑誰遣寄因亭兩頤宦鬢添新

白一領儒衫照舊青儼議恰同林賸雪留連敢道水

逢萍從茲唱和須成帙另譜南花作一經

南來吟侶歎晨星奇字唯君問此亭花比山中高士

臥詩追江上數峯青錢句故云翻成重譯嘗疑雉余嘗疑越裳所

獻是鵬非雉算做童謠好辨萍只恐狂泉人飲慣不狂反

訝出何經已上錢韻

解嘲

親老丁單合在家底來海角傍天涯衰年畏變青黃

草青草黃茅俱瘴候病體愁開桂菊花桂花瘴菊花瘴操守恥緣新

令凜才能敢要上官誇只求六屬安無事不是居夷

不用華

題賸雪花歌後

狗牙名花誠太褻易以賸雪表香潔門生屬吏俱作
歌謂此奇寃今得雪安知此花故有名便是閤提並
非別俗下或呼番茉莉種自西來可臆決一時易名
爲賦詩安作殊慚少辨別始知多識亦最難儒生箋
註徒剽竊或謂先生應復古毀詩仍將舊名揭不思
萬物本無名凡名皆爲人所設閤提自是番夷語華
言豈必同軋茁形容逼肖卽真名無事雷同及勦說
吾來守郡惡紛更一味因循喜用拙不日拂衣歸去
來無功可書罪可列後有作者記題名知與雲煙同

沒滅就此花名賸雪花留在高涼作口舌

六旬初度

生年忽已徧支干與逐寒冬歲序殘親在六旬難算
老天荒五馬不成官滿門頌祝詩兼畫闔屬投遺壁
又餐寬我望雲思未得梅花樹下久憑欄

附祝詩

錢安世

畫省郎官翰苑僊剖符恰徧一周天風流新冠二
千石聲氣夙推三十年東海門牆尊上弟南雷學
術受真傳椿萱堂上雙強健應喜今朝設綺筵

使君家在古寒邨五馬翩翩受國恩廿載曾魁兩
科目一麾原出四衙門詩篇不肯三唐襲書法爭
看二晉存若問文章誰伯仲韓潮蘇海弟兼昆
生子真如孫仲謀東牀王謝盡名流結交賓鮮二
三輩尚友卬須六一儔文士韓張原並蓄雄才膾
起亦俱收得官嶺外應非惡每爲思親憶舊丘
無勞跨海訪長生一服萊衣便是嬰眼裏珍羞麟
作脯耳邊音樂鳳爲笙酒斟玉案香先結花插銅
瓶燭更明行樂正宜乘令旦治平况已播循聲

高涼宦蹟近如何堅白誰能涅與磨已喜一年無
盜賊便教四境有絃歌隸人盡憚面如鐵赤子皆
知心似婆雜沓躋堂齊獻祝聽來強半是三多
嶺南節候似長春臘月繁花色色新自此始看週
甲子從來不用守庚申官期矢報情非戀政不矜
奇道在因桃李公門盡通顯稱觴賡有下中人

因亭雜咏

三間廳屋本非亭特借因亭作座銘底事更新仍照
舊一椽未易入公庭

蕭然四壁莫嫌空稍待春深院落中覆地兩叢筍竹
暗照天一樹木棉紅

香愛梅清開北牖蔭憐榕密上東亭孤忠大逆今安
在帥字旗搖舊府屏

亭東總鎮之署舊本府署自李定國改王府本朝因之爲鎮署

祖澤清之叛亦據此故云

西鄰夜夜笙歌饜東舍朝朝鼓吹淫不恥書生寒窘
相一聯半句自長吟

也非一味愛因循主分無才恃有賓門掩扶桑留劍

客籬遮修竹映詩人

謂程邇修錢王功

血氣衰無人可憎精神懶若事皆多標紅批黑完公
案獨倚閒窗數蟻過

孔雀籠存從未有王孫條在竟何之眼前一種蕭條
意想見亭中人去時

葉當瓦爲旁丁窄鉄如石作假山低外江人眼驚初
見瑣屑拈來入品題

小庭時覺眼難舒貪看山光簿牘餘卻畏樓高東北
望白雲深處兩嗟予

鵲偶來巢真似喜客時倚醉亦何嘆南來會得南天

意四季花開總是春

聖漆新完亦煥然案無留牘過殘年題詩頗苦推敲
細得句姑書作柱聯

垂老投荒生趣微無聊姑此慙因依敢希人爲文房
辨自許身同鐵漢歸

月記新移植後堂花開經歲繞欄香倚牆傍竹推門
入兩樹橙紅佛手黃

六章詩就迴無塵

余六旬初度錢王功賦詩六章

五馬圖成更有神

程邇修畫五馬圖爲壽

牽合裝潢懸素壁一門筆墨實驚神

丙子除夕和錢程諸子韻

花甲今年盡數除明朝人合再生如親存上策拋微
祿師歿殘軍理故書齒髮可堪衰落半神魂都屬悻
驚餘南來佳節無詩久莫怪賡酬韻律疎

鸞翰南來卦前無
若人莫到輿圖贈
幹刺

蘇甲今半盡
樓斜即博人合再
坐收懸存土策
此類
丙午斜文味
趁野請于贈

寒村高州詩集卷下

雲間王原

新安程遠

武原錢以澄

受業

毘陵錢安世

全校

送董湘雲還四明

若比陽山路高涼
遠更窮非君兒女
戚跋涉肯來同
時刻思歸去無聊
百事情愴怱怱三
兩月情話未從容
交廣多奇產南巴
一件無贈君詩句
外但作嶺雲圖
考績三秋後應同
返故鄉君今先別
去煩語慰高堂
春日暄妍靜中即事

梅子如丸橙未落
柚花似雪桂齊芳
南荒草木寬人
劇端的因誰憶故鄉
響過行雲禽喚友
白疑飛雪蝶成羣
春來但是花都
發欲辨何香混未分

浩歎

高涼風土足偷安
退食升堂底浩歎
六十年多仍浪
子七千里外只粗官
都忘枕席駢烟瘴
爲憶晨昏廢
飲餐生趣別無消
未了培花護果日盤桓

三月初一日自高城抵安樂墟

經年宦跡閉空衙
頗畏羊城道路賒
餞席聆歌纔五
里

縣令錢朗瀛別駕吳仲和餞余五里亭

征輿得句又雙花

舖此

行何

必非乘輿獨恨無緣
竟到家極目四山
回首憶傷心
垂老落天涯

四時春夏嶺南風
偏我行如臘月中
短草接天雲羃
羃遠山出地瘴
蒙蒙添愁一路輪
聲楚消寂雙竿旆
影紅差幸今年天
澤早霑泥婦已卽
田功

初二日自安樂抵電白

風狂不見曉雲稀
更殺街頭炬爛扉
睡未到甜姑滅

飯裘堪敵冷尚思衣秧田水白疑天亮沙路嵐濃類

雨飛猶喜同行能遣興驚人有句似元暉和錢王功韻

羅浮去此幾多程有底因緣揭此名舖下路長纔野

店水邊山盡有荒城風寒渡口人俱戰雨急田頭犢

也驚竟日相逢唯一乞更無踪影向西行羅浮道上

名山不厭五番過其奈春光少霽何水氣盛教雲氣

盛樹聲多覺雨聲多登堂愧閱先題筆余舊有詩書壁上捫

壁驚看後和歌舊茂令王學菴和詩題壁雪爪萍踪纔一載唯應

佳句久難磨

平生意興盡南荒夢寐三年只此方水熱故應名電

白山青其實冠高涼峰巒層疊疑無路竹樹沉深類

有莊敢道勾留居一半東歸他日未能忘書熱水菴壁

高涼風俗少栽花此地何來好店家草屋泥牆房潔

淨瓦盆磚砌院清華羅蒙初謝香猶賸蒼荀將芳蕊

已芽兩度來過情未厭安眠一夜忘天涯電白旅店

初三日自電白抵魚坳

出城一望野茫然賸水殘山錯海邊風似燕齊逢九
日雨如吳越做霽天奇寒不管蠻無袴積潦那堪坳

少船若在故鄉當此際
袞除佳節正留連
四十里程劇不長
艱難偏覺倍尋常
雨中一日三條
渡眼底千山兩郡
疆跋涉可憐
徒役苦饑勞
少遇店厨香
但圖一宿安
行李那管低
簷與破牀

初四日自魚垌抵太平

肩輿盡日雨兼風
油幕周遮鳥在籠
雲影常如終夜
黑陽光未覩
片時紅窮官
春色原無分
險道山靈太
不公偏值高高
逢下下泥深
路滑恐衰翁

陰雨寒風昨日如
官程無計可停輿
病身節食當行
藥老眼寒帷便
閱書徑繞青峰
紛出蚓山屯
黑石亂眠猪
蒼茫猶記來
時節蓋屋驚
看竹葉初

初五日自太平抵那旦

行來耳目覺新更
爲出高涼過太平
村少人稀仍寂
寞山高田下漸
分明無邊嫩
綠春周草一點
鮮紅雨兆裡
只爲荒餘農事
亟不因行路
望天晴

栖身元自有官衙
底事泥塗竟當家
雨點不收雲四
起水流無定路
三义急投驛卒
郵筒碎蹙憩
輿人市語謹
日暮未知停泊
所村烟濃處
眼巴巴

初六日自那旦抵陽春

初臨此地歎窮邊來自高涼又不然小小店羅魚蒜
賣低低屋置榻牀眠過河綠野平鋪錦沿路青山細
疊瓊只苦簷聲終夜聒朝來依舊罩蠻烟

終風苦雨自彌旬風景元來逐日新陌上草柔依少
婦岡頭松挺立高人江船泊岸村通買野屋臨田俗
聚鄰笑我初來江浙眼錯疑此地號陽春

忽田低陷忽山高病骨那能不憚勞逢水正憂橋險
仄看雲又覺雨蕭騷花榮野薄明殘雪風振林柯起

怒濤愁裏向知閑領略老來興未減分毫

風光日漸異高涼坐穩肩輿四顧忙總是春風花紫
白一般夜雨路青黃因憐從者行泥上尤愧途人避
樹傍此去是非誰主得敢云折獄是吾長

池塘漾漾樹葱葱城郭沉沉暮靄中令尉郊迎鄰郡
守商民路指外江翁今宵街市聲初衆明日巖巒境
不同考誌更知奇勝所歸途准擬問崆峒

初七日自陽春至黃泥灣

東西原自兩山分中走奇峰迴出羣細雨初疑雲似

石微晴始駭石如雲紗窗兀作孤僧坐霧谷驚逢怪
獸蹲若比兜鍪真萬隊山陰道上不須云

造物從來愛等夷峰連百里太嶽寄淒迷烟瘴空懷

寶突兀蠻荒白露奇歷歷輿圖元未載奇峯百里縣誌多不載

悠悠行路豈能知祇應同此遭逢者翹首征輿一賦

詩

白首炎方運未低峰靈壁秀見黃泥初過已結三年
夢再到仍難入句題無力攜歸梅嶺北何時挈置鑑
江西此行若不須回去路入天台願得迷

銅石山原絕世珍重來更覺長精神春添雜佩華名
士水拭青銅映美人珠翠續紛螺髻縮樽彝錯落錦
囊陳簷卑地濕都忘却臥聽蛙聲徹四鄰

初八日自黃泥灣至河頭

陸程將盡路逾難低畏泥深高未乾望嶺幾重原膽
怯循涯一線更心寒乍晴旋作霏微雨稍坦偏逢坎
陷灘回首難忘晨發處雲峰朶朶尚巒岈

西來纔信是天堂墟日逢人瓦蓋房竟有阿公歸廟
宇一般小仔戲池塘河頭路近先迎蟹

粵人駕舟山多係蟹戶

脚程遙未遣狼

時有狼兵護送

漸喜華風仍得見獨愁無計

直還鄉

初來地盡又天窮今覺中華一水通
草屋簷低原比戶溪船梁窄故牽篷
孤燈小榻愁聽雨薄被疎簾臥
畏風到此如何歸未得更更不寐鼓逢逢

初九日自河頭至垌口

來時踪跡已依稀水折山盤更雨霏
兩岸陰濃雲欲睡一灘聲急艇如飛
隔船詩句成還未時與錢子王功相唱和
小邑圖經是也非陽春借得縣志舟中細閱數載幽閒無此日思

親又道不如歸

莫輕春水順流船雨裏篙工亦未便
每遇潭深愁石立偶欣浪緩礙沙眠
閒看山影層層摺靜數波紋個
個員霹靂一聲緣底事勸懲吾正欲煩天
陳龍川云今世煩天者多矣

纔晴十里又雷聲薄暮霏微艇自橫
江岸寬依來往渡山城近聽有無更憶離鑑水將旬日前去端州尚
一程每悔七星崖未躡此番可得慰平生

初十日自垌口至江口

高州詩集卷一
十一
一夜風高雨暫收發船打鼓舊新州峯多斷缺鷹程
遠江忽寬平櫓意柔墟店竟搖沽酒旆山村時蠹看
家樓乾坤生氣原東土漸遠西來漸豁眸
翩翩兩槳拂波澄頃刻山川氣鬱蒸雲黑四圍如魄
死電紅萬丈忽陽升橫飛霹靂天驚碎急注滂沱地
恐崩及至掀篷恬霽後水空一碧又何曾
三塔亭亭矗晚天西江流急敢輕前人家多處聯舟
泊漁火疎時聽雨眠水陸都於衰叟礙寢餐那得客
途便明朝腰折端州路望闕思家兩愴然

十一日自江口至三水

艇過端州天乍青凌晨入郭似醒醒汪洋眼豁前雙
水碛兀心懸後七星叅謁故難閒眺覽程期未准暫
消停忽忽解纜危樓下頗喜千家儼列屏

望夫石

一石亭亭峙嶺間行人笑指望夫山不知夫去緣何
事望到於今尚未還
萬劫難灰伉儷心舟中過客底愁侵倚門兩載嗟行
役知比岡頭望更深

無端墮落在南陲海嶠孤踪枉自悲暮暮朝朝東北
望中原萬里竟誰知
頑石人間最所輕望夫便覺足心傾可知情是生人
種作吏偏云要絕情

十二日自三水至佛山

西南鄉過淺沙來忽有千門萬戶開久識佛山同寶
藏若移中土亦塵埃人情趨似方無遠貨物多如歲
不災節到清明家折柳一般風俗任徘徊

嶺南

嶺南風俗故難馴不道年來局更新民喜逢饑便劫
奪官思縱盜託寬仁明明世事冰霜漸昧昧天心雨
露均救荒新政婺卹杞憂誰過問雲泉只合早抽身

羊城解維

會城一月困籠雞開放時能禁亂啼蟹戶帆風難兩
得田家秧水恰新齊滿船衙役排旌節沿路塘兵送
鼓鼙聞說饑民踰萬數佛山米穀喜盈堤

答朱甸安和韻

南來久矣罷論詩邂逅先生又一時知己一人原不

恨清言雋絕更堪思

客路從無如子僻
蠶天不獨有吾痴
欲教米芾深深拜
肯異陶潛故故辭

新興舟中

不從北去又西行
辛苦高涼半月程
峰勢環如遮客路
灘流逆似諸人情
下喬入谷官何樂
覽勝尋幽境自清
莫歎河頭舟港絕
春山老眼定重明

陽春山石最奇

崆峒

百里春山怪石撐
崆峒奇絕更知名
已攬南市蒙塵

宿敢憚西郊
隔水程望去便疑人世別
入來陡覺胆魂驚
神仙富貴都忘却
暇憶軒轅問廣成

山巖石洞人間有
似此崆峒足未過
曲折不愁容客少
幽深偏喜見天多
上樓下殿誰開鑿
北牖南牕有護訶
最怪旂旛鐘鼓列
象獅仙釋露妖魔

奧如室又曠如亭
裏面空兼外面靈
環麓平疇鋪錦翠
繞門奇石散螺青
若依峭壁開茅舍
直向寥天列畫屏
始信廬山真面目
不須身在洞消停

勝遊雅集厭名官
亦有相宜莫例觀
嚮導可無賢令

隸留連恰得故人餐晴岩坐駭雷聲吼陰洞歸攜雨
氣寒竟日探奇都若此七程跋涉敢嗟難

河頭陸行至高州計

程七

阻雨那旦

茅簷低濕漏微明底忘官衙此駐旌徹夜天崩那旦
雨彌山水阻太平程雷飛幽谷懸崖瀑蛙作黃牛喚
犢聲爭似江樓依白髮秧青田碧課僮耕

涉水

雨後唯愁潦縱橫豈期一望只空明轎中坐似舟中

坐地上行如天上行森森不知來日路搖搖能計到
時程年衰官俗狂猶賸極喜清遊冠此生

又題電白旅店

忽忽兩月混塵沙到此心清似到家不道珠蘭猶綻
蕊何時鐵樹亦開花西河柳綠龜毫動安石榴紅鶴
頂斜前去高城唯信宿懶催行李上官衙

讀王學菴牛驥詩戲題二絕又寄一絕以當贈

行

會記昌黎襍說無古今伯樂眼原孤祇從食粟看名

馬槽櫪間應辱隸奴
猶在桐花竹實中
鳳凰未可傲狙公
平生頗怪誠齋
刻到此方知下句工
同事經年織悉知
送行無可盡余私
世間驥少牛還夥
莫爲毫毛輕咏詩

幽齋卽事

嗜慾初刪生意枯
怨尤漸息道心無
恐因去日多來日
未必今吾勝故吾
愁裏極能長自在
閑中偏覺少工夫
押花簽字忽忽了
細整幽齋似畫圖

萬事何曾一自由
一官那敢說風流
儘教吏去呼爲馬
不要人來笑用牛
禦瘴投煙同遠竄
看花弄月當閑遊
高州太守如無我
猶恐高難稱此州

靜坐閑吟

進退格

洗硯焚香拭案塵
銷磨白日忘辛勤
老從老婦都嫌老
貧信貧交不諒貧
一榻孤燈疑挂衲
三年萬里抵充軍
花開花謝勾吟興
筆路冥頑句肯新

秋來一律

瀟瀟洒洒一書生
磊塊如何鏟不平
豈敢心高嫌事

俗却因身重覺官輕雨餘敗竹從新密風後殘荷照
舊榮慚愧主人長落魄秋來仍未辦歸程

因亭偶咏調寄山花子

破壁頽垣本廢衙偶然點綴便堪誇誰笑居夷容易
陋儘繁華 萬卷圖書千个竹一方果木四時花試
問南荒如此處幾人家

家遠身衰萬事情標紅塗黑強完公猶有關情拋未
得百花叢 金鳳黃爭含笑紫閣提白鬪佛桑紅最
是龍髯初過雨樹蘭風

浣溪沙咏王孫

原是蠻荒一畜生老天空教類人形賊模鬼狀逞才
能 嗔作愁胡如爲主喜翻筋斗似多情只因難脫
這條繩

送錢王功之京候選

半生鹿鹿迹都陳賸有春闈十一人翰苑當年多珥
筆花封此後盡垂紳不知翔步仙班客尚憶浮沉瘴
裏身行矣煩君傳語徧京華重聚儘容貧

駢語中存識論難歐蘇以外不堪看風簷服子聯珠

壁鏤院教人廢寢餐兩載飲醇心日醉一朝分袂夢
能安扶搖從此知胡底有句無忘過嶺灘

卽事調寄山花子

收放文書便判封閉門底事意忽忽自是神魂飛去
遠浙河東 那管田園都沒草已忘兒女各飄蓬九
袞雙親身萬里也衰翁

獨四女
在署

兒子侍雙親在家大女在延
平次女在鉅野三女在陳留

放山鵝調寄如夢令

空自多言多語到底茫無憑據若只賺南蠻誰解是

歌還詛飛去飛去任爾絮叨何處

書懷調寄如夢令

畢竟如何才了須念吾年垂老堂上有雙親兩地空
傷懷抱歸好歸好教子讀書談道

大計時答人

講求治術也多年老去方知說盡偏感慨時風思返
朴哀憐夷俗敢矜賢賤妨貴卽防無上弱役強姑教
順天此意祇堪知者道訟庭且喜日蕭然
出守南荒已二年祇能不任性情偏民懷德實難言

治吏畏威寧可謂賢存此一分寬恤意留他萬類躍
飛天便書下下歸田里得侍雙親更泰然

閱卷戲作二絕

一生精力老其中兩眼燈前底似管應是南蠻音鳩
舌不經重譯不能通

獠霧蠻煙到處含東西向背與誰叅多材多藝慚公
且能爲迷途作指南

初度自歎

逢丁遇丑似重生惡夢垂闌夜未明淨丑旦生都過

臉晨昏冬夏枉關情升堂祝訝蠻童樣退食詛嫌桀
婦聲如此年年餐宿去活千百歲也無成

題硯雜句

六十年來事事虛乾坤一望孰親疎只應抱汝還鄉
去天假餘生日著書

那有人能補得天女媧煉石定訛傳誰知蘸出刪修
筆五色光芒萬古懸

又四絕句

莫嫌片石小正好貯奚囊老脚邀天健名山藉發光

此石鬆而薄磨時恐易穿耕鋤衰力淺儘足伴餘年
白浪高平地黃雲澹遠山鶴歸乘夕照不獨倦知還
體小八方具眼明兩曜同往來真月日也只一天中
戊寅二月重過化州寄題珠臺壁上

三載風光一轉頭重來無復舊時遊
柚香蘇澤堪門閉蘭茂驪珠但水流
臥治主人醫合起懷歸太守跡
應收匆匆底要留詩句爲愛江山待唱酬

二月二十日赴省過分界

歸去來兮不自由敢辭千里向人求
此行爲終養乞假狂風

烈日朝離郭矮屋荒墟午息騶
舊句猶留懷舊侶前與

茂令王學菴唱和詩尚留店壁新吟又得動新愁
三年空此頻來往

只抵遊人幾度遊

熱水道上

三載高涼事若何一年一度此經過
雖因便道非乘輿每遇春風正扇和
白馬苦藤空路熟青山熱水未碑磨
忽忽便欲相辭去豈爲家園勝處多

魚峒

才過烏欄街戶窄忽來魚峒市聲嘈
三家村漸分籬

落一水流如畫肇高雨細平田秧半插風清廣陌犢
羣嗥依稀疑入鄉園路跋涉泥塗未覺勞

宿太平驛

薄暮衝泥冒雨行小橋流水入孤城病身怯遇春重
冷遠道欣聽驛太平歸侍椿萱應有日去隨鷓鷯且
來生低簷暗室還鄉夢已對庭闈說宦情

大墟

小小村墟得大名店無客座爨無鑄密編竹葉權當
屋疎插荆柴便作城近只一灣清澗遶遠唯萬疊翠

峯橫竊然疑復悠然想昔日應當久太平

那旦至陽春

不見春山已一年隔峰望見也欣然夏商周器色非
古天地人工成就先收拾囊歸無此僕放開眼看只
如拳纍纍奇寶誰貪取嶺海官曾未飲泉

黃泥灣

山程七百費間關地近河頭漸放閑倘幸茲行能得
請定知重到更開顏除他白馬塘西路及此黃泥灣
上山胸次平生雖解脫歸時夢寐未能刪

七月十五日丁外艱回籍過熱水題壁

宦興三年只此泉歸時詩欲打碑鐫那知忽變傷心
淚無計能湔抱恨天絕不炎涼隨舊屬其如離合定
前緣摩挲壞壁思留句浴罷當風意惘然

又題壁寄懷王學菴錢蔗山兩同年

蠻荒勝處有奇緣守令同來咏幾聯謂壁上王學菴和詩千載

權終歸我輩一時運不解蒼天銅仁匹馬知愁絕學菴

前以呈誤去官今新補銅仁令漸水扁舟痛涕漣他日登仙輝此地

可勝翹首蔗山錢時蔗山方宰茂名

贛江夜寤偶成四律

半年淚眼不看書晝感殘編夕未除雙水流高三板
外一江風急四更初思量陳迹前身似計畫餘齡昨
夢如莫是老懷偏苑結人生失怙事皆虛

飄飄泊泊一歸舟舉目無依偶傍郵徹夜風波搖惡
夢滿江雲雨錮深愁蓼蓼戍鼓聲長咽蕭蕭征鴻過
未休少艾已忘中不熱更憑何事得寬憂

大事將臨早不祥經年心緒久徬徨每逢名勝偏蒿
目偶耳笙歌便斷腸自揣山頽歸大地那知木壞在

高堂千山萬水家何處若比終天恨未長
無窮世事滿牀書已別胸中返太虛老賸身家煩處
置貧留寤寐費躊躕母年衰極何當健兒病瘳來可
盡除待得還家逢歲暮養生送死竟何如



